


An Coiste Achomhairc Foraoiseachta

Tuairisc an Chathaoirligh 2022



An Coiste Achomhairc
Foraoiseachta

Forestry Appeals Committee

Don Aire Talmhaíochta, Bia agus Mara

De réir fhorálacha Alt 14(4) den Acht um Achomhairc Talmhaíochta, 2001, arna leasú, cuirtear isteach leis seo tuarascáil Chathaoirleach an Choiste Achomhairc Foraoiseachta do 2022.

Seamus Neely
Cathaoirleach, An Coiste Achomhairc Foraoiseachta
An 28 Aibreán 2023

*An Oifig Achomhairc Talmhaíochta
Cúirt Choill Mhinsí Bóthar Bhaile Átha Cliath
Port Laoise
Co. Laoise
Fón: 057 8667167
Ríomhphost: forestry@agriappeals.gov.ie
Láithreán Gréasáin: An Oifig Achomhairc Talmhaíochta - An Coiste Achomhairc Foraoiseachta
(www.agriappeals.gov.ie)*

Clár Ábhar

An Coiste Achomhairc Foraoiseachta – Tuarascáil Bhliantúil 2022	4
Cuspóir na Tuarascála seo	4
Cúlra	4
Forléargas ar Nós Imeachta FAC	5
Treochtaí Achomhairc	6
Struchtúr, Gníomhaíochtaí agus Comhaltaí an Choiste	7
Ról Neamhspleách an FAC	7
Éisteachtaí FAC	8
Formáid na nÉisteachtaí	9
Staidreamh	10
Líon Foriomlán na nAchomharc	10
Cinntí Foilsithe	11
An t-am a Thógtar chun Achomhairc a Chinneadh	12
Catagóir na gCinntí	12
Toradh na gCinntí	13
Achomhairc a cuireadh isteach agus Táillí	14
Achomhairc Neamhbhailí agus Tarraingthe Siar	14
Achomhairc Faighte de réir Míosa agus Contae	15
Rochtain ar Fhaisnéis faoin gComhshaol	15
Dlíthíocht	15
Cruinnithe Páirtithe Leasmhara	15
Nósanna Imeachta Riaracháin FAC	16
Láithreán Gréasáin:	16
Tráchttaireacht	16

An Coiste Achomhairc Foraoiseachta – Tuarascáil Bhliantúil 2022

Cuspóir na Tuarascála seo

Comhlíonann an tuarascáil seo ceanglas dlíthiúil an Achta um Achomhairc Talmhaíochta, 2001, a leasaíodh leis an Acht Foraoiseachta (Forálacha Ilghnéitheacha), 2020 chun alt 14 (4) a chur isteach a éilíonn ar Chathaoirleach an Choiste Achomhairc Foraoiseachta tuarascáil a chur faoi bhráid an Aire Talmhaíochta, Bia agus Mara (an tAire) ar a c(h)uid gníomhaíochtaí, agus ar ghníomhaíochtaí an Choiste, faoin Acht seo i rith na bliana sin.

Cúlra

Leasaíodh an tAcht um Achomhairc Talmhaíochta, 2001 ar dtús leis an Acht Foraoiseachta 2014 chun Alt 14A nua a chur san áireamh a rinne foráil do sheirbhís achomhairc nua i gcoinne cinntí a rinne an tAire Talmhaíochta, Bia agus Mara (DAFM) ar iarratais ar cheadúnas foraoiseachta. I measc na gcinntí ar iarratais ar cheadúnú foraoiseachta tá leagan, foraoisiú, bóithre foraoise agus leasú ón aer. Mar thoradh ar an reachtaíocht bhunaigh an tAire an Coiste Achomhairc Foraoiseachta (FAC) in 2018. Feidhmíonn an FAC ar bhonn reachtúil ar leithligh leis na hOifigigh Achomhairc Talmhaíochta. Soláthraíonn an Oifig Achomhairc Talmhaíochta an tacaíocht riaracháin agus rúnaíochta don FAC, áfach, agus chomh maith lena bhfeidhmeanna achomhairc talmhaíochta, féadfar Oifigigh Achomhairc a cheapadh mar chomhaltaí den FAC.

Go dtí mí Dheireadh Fómhair 2020, bhí an FAC ag feidhmiú mar choiste de cheathrar, is é sin an Cathaoirleach agus triúr gnáthchomhalta, iad ar fad ceaptha ag an Aire. Reáchtáiltear na héisteachtaí dhá lá gach seachtain. Leasaíodh an tAcht um Achomhairc Talmhaíochta 2001 leis an Acht Foraoiseachta (Forálacha Ilghnéitheacha) 2020 mar a cuireadh tús leis an 6 Deireadh Fómhair 2020, agus tháinig leasuithe an Achta agus Rialacháin ghaolmhara i bhfeidhm ar an dáta sin. Rinneadh foráil sna leasuithe do FAC (i measc forálacha eile dá dtagraítear níos déanaí sa tuarascáil seo) chun suí i Rannáin agus chun Leas-Chathaoirligh a cheapadh. Ceapadh seisear comhaltaí breise den Choiste, agus ceapadh ceathrar de na comhaltaí sin mar Leas-Chathaoirligh. Tá taithí fhairsing ag na baill seo, go háirithe i réimsí na nósanna imeachta rialála agus na dTreochara ábhartha AE. Ceaptar rúnaí do gach Rannán chun tacaíocht riaracháin a chur ar fáil.

Bhain leasuithe suntasacha eile a tugadh isteach tríd an Acht Foraoiseachta (Forálacha Ilghnéitheacha) 2020 le táillí a thabhairt isteach chun achomhairc a dhéanamh, agus leasú ar na roghanna atá ar fáil don FAC agus cinntí á ndéanamh ar achomhairc. Socraítear an táille chun achomhairc a dhéanamh in aghaidh chinneadh an Aire chuig an FAC ag €200 agus ní mór í a bheith ag gabháil leis an achomhairc. Soiléiríonn an reachtaíocht go dtionóltar Éisteachtaí ó Bhéal de réir mar is rogha leis an FAC, agus déantar foráil inti go n-eiseoidh an tAire treochara ginearálta beartais chuig an FAC. Rinneadh gach éisteacht ar achomhairc ag an FAC in 2022 go cianda.

Chuir mo réamhtheachtaí an tUasal Des Johnson deireadh lena thréimhse mar Chathaoirleach ar an FAC i mí Aibreáin 2022 agus guím gach rath air don todhchaí. Cheap an tAire Talmhaíochta, Bia agus Mara mé mar Chathaoirleach ar an FAC i rith mhí an Mheithimh 2022 agus ar an gcaoi sin d'fhág mé mo ról mar Leas-Chathaoirleach.

Faoi láthair tá Cathaoirleach, triúr Leas-Chathaoirleach agus beirt ghnáthchomhaltaí seachtracha agus beirt ghnáthchomhaltaí ag obair mar Oifigigh Achomhairc. Lean an FAC ag éisteacht le hachomhairc le linn 2022 agus mar a bhí in 2021 scaipeadh na héisteachtaí thar cheithre rannán den FAC. Go dtí gur cuireadh srianta Covid 19 i bhfeidhm, shuigh an FAC go pearsanta i bPort Laoise agus ina dhiaidh sin shuigh sé go cianda trí mheán leictreonach. Tháinig sé seo sna sála ar fhoilsiú I.R. Uimh. 411/2020 - An tOrdú um an Dlí Sibhialta agus an Dlí Coiriúil (Comhlacht Ainmnithe - Talmhaíocht) 2020.

Forléargas ar Nós Imeachta FAC

Go dtí seo, chuir tríú páirtithe formhór na n-achomharc isteach agus baineann siad go príomha le cúrsaí comhshaoil, le cur i bhfeidhm fhorálacha Mheasúnacht Tionchair Timpeallachta an Aontais Eorpaigh (EIA), na nGnáthóg agus na nÉan, agus na gCreat-Treoracha Uisce. Nuair a eisíonn an DAFM cinneadh ar iarratas ar cheadúnas foraoiseachta, fógraítear é ar thairseach Amharcóra Ceadúnas Foraoise an DAFM (www.gov.ie). Ag tús 2021 rinneadh cinntí ábhartha maidir le ceadúnais foraoiseachta ar feadh tréimhse 28 lá ina bhféadfadh an t-iarratasóir nó aon pháirtí eile a bhí míshásta leis an gcinneadh achomharc a dhéanamh ar an gcinneadh chuig FAC. Ó Iúil 2021, leasaigh I.R. Uimh. 353 de 2021 an tréimhse seo go 14 lá ó dháta chinneadh an Aire. Le linn na tréimhse 14 lá seo, ní féidir aon oibríochtaí foraoiseachta a thosú. A luaithe a dhéantar achomharc ar chinneadh ceadúnais, cuirtear an ceadúnas ar stad go dtí go bhfaightear toradh an achomhairc.

Féadfaidh ceadúnas a bheith faoi réir achomharc amháin nó níos mó. Is faoin FAC atá sé cinneadh a dhéanamh ar bhailíocht an achomhairc, an éisteacht a sceidealú, an t-achomharc a éisteacht, agus a chinneadh ar an achomharc a eisiúint. Soláthraíonn an FAC foirm fógra achomhairc (Foirm Fógra Achomhairc FAC), atá ar fáil ar ár láithreán gréasáin nó go díreach ó riarachán FAC. Ní mór Foirm Fógra Achomhairc FAC a chomhlánú agus achomharc á dhéanamh agus ní mór d'achomharcóir forais iomlána an achomhairc agus aon cháipéisíocht ar mian leo brath uirthi a chur ar fáil. Breithnítear aon aighneachtaí breise de réir rogha an FAC. Cuireann an FAC achomharc i gcoinne cinnidh in iúl d'oifigigh an DAFM. Foilsíonn an DAFM liosta d'achomhairc foraoiseachta ar a láithreán gréasáin. Thar ceann an Aire, féadfaidh oifigigh an DAFM ráiteas a ullmhú ina léireofar a mhéid a ligtear isteach na fíricí agus na hargóintí a chuireann an t-achomharcóir chun cinn nó a ndéantar díospóid fúthu agus aon fhaisnéis agus doiciméid atá faoi smacht an Aire agus a bhaineann leis an achomharc a chur isteach. Ó thús 2021 tá rochtain phoiblí curtha ar fáil ag láithreán gréasáin an DAFM ar dhoiciméid cheadúnais de réir mar a thagann iarratais nua chun cinn ar an tairseach Amharcóra Ceadúnas Foraoiseachta (FLV), agus cuireann an FAC gach páirtí ar an eolas faoin bhfaisnéis seo le linn an phróisis achomhairc. I gcás achomharc tríú páirtí, cuirtear iarratasóir an cheadúnais ar an eolas faoin achomharc freisin agus féadfaidh sé ráitis agus doiciméid a chur faoi bhráid an FAC mar fhreagra ar an achomharc. Féadfaidh FAC tuilleadh faisnéise a iarraidh ar na páirtithe san achomharc nó ar dhaoine nó ar chomhlachtaí eile, lena n-áirítear comhlachtaí Stáit, de réir mar is cuí leis. Chun éifeachtúlacht an phróisis achomhairc a éascú, nó i gcásanna a bhaineann le hábhair an-speisialaithe, féadfaidh an FAC sainchomhairleoirí seachtracha a fhostú chun tuarascálacha a sholáthar. Sa chás go gcuirtear tuarascálacha seachtracha

den sórt sin san áireamh sa phróiseas cinnteoireachta achomhairc, tugtar ar aird iad sa chinneadh agus foilsítear iad in éineacht le cinneadh FAC ar láithreán gréasáin FAC.

Sa chás go measann an FAC go bhfuil gá le héisteacht ó bhéal, déanfaidh sé an céanna a sceidealú agus cuirfidh sé na páirtithe san achomharc ar an eolas. Féadfaidh an FAC a chur ar an eolas agus/nó a iarraidh ar pháirtithe eile agus ar chomhlachtaí atreoraithe freastal ar an éisteacht ó bhéal, lena n-áirítear Comhlachtaí Stáit. Tá rogha ag Cathaoirleach an Rannáin éisteann an t-achomharc maidir le seoladh éisteachta ó bhéal mar a fhoráiltear sa reachtaíocht agus féadfaidh sé teoracha a eisiúint do pháirtithe le linn éisteachta ó bhéal.


Beidh cinntí FAC i scríbhinn agus áireofar iontu na cúiseanna atá leis an gcinneadh agus eiseofar chuig na páirtithe iad go pras tar éis do gach comhalta reatha iad a chomhaontú. Tá cinneadh FAC críochnaitheach dochloíte agus nuair a eisítear é níl aon ról dlíthiúil eile ag an FAC sa chinneadh achomhairc nó ceadúnais, cé gur féidir agóid a dhéanamh i gcoinne chinneadh FAC ar fhorais nós imeachta trí iarratas ar Athbhreithniú Breithiúnach ag an Ard-Chúirt.

Ó bunaíodh FAC, bhí méadú suntasach tagtha ar líon na n-achomharc bliain i ndiaidh bliana go dtí 2020 agus bhí laghdú suntasach tagtha orthu le linn 2021 tar éis na n-athruithe reachtacha a thabhairt isteach i mí Dheireadh Fómhair 2020, agus cé go raibh méadú 33% ar achomhairc a fuarthas le linn 2022 thar 2021 níor measadh go raibh sé sin suntasach go huimhriúil. Tugann an tábla seo a leanas breac-chuntas ar an treocht ó 2018 go 2022:

Treochtaí Achomhairc

	2017	2018	2019	2020	2021	2022	Iomlán
*Achomhairc Faighte	34	197	489	874	149	201	1944
Cinntí ceadúnais a ndéantar achomharc orthu	21	150	311	582	109	128	1301

**Is féidir níos mó ná achomharc amháin a dhéanamh in aghaidh chinneadh ceadúnais ón Aire*



Struchtúr, Gníomhaíochtaí agus Comhaltaí an Choiste

Rinneadh foráil leis na leasuithe a tugadh isteach leis an Acht Foraoiseachta (Forálacha Ilghnéitheacha), 2020 chun Rannáin bhreise den FAC a bhunú chun déileáil le hachomhairc ar bhealach níos gasta. Faoi láthair cuirtear ar chumas an Choiste oibriú i gceithre Rannán a chuireann solúbthacht shuntasach le cásanna achomhairc éisteachta.

Déantar acmhainní a leithdháileadh go leanúnach i gcomhairle leis an Stiúrthóir Achomhairc Talmhaíochta. Maidir leis sin, cuireann an Oifig Achomhairc Talmhaíochta tacaíocht riaracháin ar fáil don FAC freisin, agus féadfar na hOifigigh Achomhairc a cheaptar don Oifig Achomhairc Talmhaíochta a cheapadh mar chomhaltaí den FAC freisin. Tá trí Oifigeach Achomhairc déag san Oifig Achomhairc Talmhaíochta, agus sannadh beirt acu don FAC le linn 2022. Le linn 2022 d'éist an bheirt Oifigeach seo freisin le hachomhairc talmhaíochta mar Oifigigh Achomhairc.

D'fhóin na comhaltaí seo a leanas ar rannáin an FAC in 2022:-

Ainm	Stádas
Seamus Neely	Cathaoirleach
Des Johnson	Cathaoirleach (cuid den bhliain)
Donal Maguire	Leas-Chathaoirleach
John Evans	Leas-Chathaoirleach
Myles McDonagh	Leas-Chathaoirleach
Derek Daly	Gnáthchomhalta
Iain Douglas	Gnáthchomhalta
Luke Sweetman	Gnáthchomhalta
Vincent Upton	Gnáthchomhalta

Chuir Ardoifig Feidhmiúcháin amháin, triúr Oifigeach Feidhmiúcháin agus oifigeach Cléireachais amháin tacaíocht riaracháin na hOifige Achomhairc Talmhaíochta ar fáil don FAC.


Ról Neamhspleách an FAC

Is é an tAire a cheapann an Cathaoirleach, na Leas-Chathaoirligh agus Comhaltaí an FAC. Éilíonn an reachtaíocht go mbeidh an FAC neamhspleách i gcomhlíonadh a fheidhmeanna. Cuireadh an Cathaoirleach, na Leas-Chathaoirligh agus na Gnáthchomhaltaí ar an eolas faoi ról neamhspleách an FAC nuair a ceapadh iad agus, sula suífidh siad ag éisteacht aon achomhairc, déanann gach Cathaoirleach/Leas-Chathaoirleach agus Gnáthchomhalta dearbhú aonair maidir le haon choinbhleacht leasa. I gcúinsí ina measann Cathaoirleach/Leas-Chathaoirleach nó Gnáthchomhalta go bhféadfadh aon choinbhleacht leasa a bheith ann déanann sé/sí é/í féin a scaoileadh ó éisteacht agus ó bhreithniú an achomhairc. Coimeádtar nóta de na dearbhuithe maidir le coimbhleacht leasa/gan aon choinbhleacht leasa ar an gcomhad ábhartha.

Éisteachtaí FAC

Éisteann an FAC le hachomhairc ó bhéal agus nach ó bhéal iad de réir mar a mheasann sé is gá. Le linn 2022 rinneadh éisteachtaí go cianda go ginearálta mar a fhoráiltear sa reachtaíocht. Is é riarachán an FAC a dhéanann na héisteachtaí ó bhéal a sceidealú agus is é an Cathaoirleach a shocraíonn an tréimhse ama don éisteacht. Scaiptear réamhrá agus clár oibre ar na páirtithe go léir roimh ré. I gcás éisteachtaí nach éisteachtaí ó bhéal iad, scaiptear an t-achomharc, na haighneachtaí agus na freagraí ar gach páirtí, agus tugtar deis dóibh freagra a thabhairt roimh an éisteacht. Tar éis na héisteachta agus a luaithe a dhéantar cinneadh, tugtar fógra i scríbhinn do gach páirtí, agus foilsítear cinntí ar láithreán gréasáin an FAC (www.agriappeals.gov.ie). Ina theannta sin, nuair a bhíonn tuarascáil chomhairleora ullmhaithe don Choiste, foilsítear é seo freisin.

Le linn na tréimhse Eanáir 2022 go Nollaig 2022 d'éist an FAC le hachomhairc a bhaineann le 53 cinneadh ceadúnais. Cosúil le 2021, lean na forais achomhairc a chuir achomharcóirí isteach le linn 2022 de bheith cuimsitheach agus casta.



**Féadfaidh níos mó ná achomharc amháin maidir leis an gcinneadh ceadúnais céanna a bheith san áireamh in éisteacht*

Le linn 2022 rinneadh éisteachtaí lá amháin sa tseachtain ar an meán. Mar gheall ar líon laghdaithe na n-achomharc a bhí ar fáil chun éisteacht a sceidealú, tháinig laghdú ar rialtacht na n-éisteachtaí a bhí á reáchtáil sa chuid is déanaí de 2022, agus faoi láthair suíonn dhá Rannán den FAC lá amháin in aghaidh na míosa araon.

Ionas go mbeadh rannáin iolracha den FAC in ann suí, leithdháileadh roinnt ball chun suí ar níos mó ná Rannán amháin in aghaidh na seachtaine. Chinntigh an cur chuige seo freisin gur oibrigh gach Rannán ar an gcaighdeán ard céanna agus é mar aidhm aige torthaí comhsheasmhacha ar ardchaighdeán a bhaint amach ar fud Rannáin éagsúla an FAC, chun leasa na bpáirtithe uile lena mbaineann agus chun leasa an phobail. As seo amach in 2023 déanfar roinnt ball de na Rannáin a

rothlú arís ó am go ham chun comhsheasmhacht agus rialú cáilíochta a chinntiú i gcinnteoireacht. Tá an rogha dhá Rannán nó níos mó a reáchtáil ar an lá céanna ar fáil nuair nach meastar go bhfuil gá le héisteachtaí ó bhéal. De ghnáth ní dhéanfaidh an FAC achomhairc éisteachta ó bhéal a sceidealú le reáchtáil i gcomhthráth ag Rannáin áfach toisc go bhféadfadh sé seo tionchar diúltach a imirt ar an gcéad agus ar an tríú páirtí agus ar an DAFM, sa mhéid is go mb'fhéidir nach mbeidh siad in ann freastal ar gach éisteacht ó bhéal, agus go bhféadfadh impleachtaí a bheith aige sin do nósanna imeachta córa.

Tá athbhreithniú leanúnach á dhéanamh ag an gCathaoirleach, i gcomhairle le Stiúrthóir na hOifige Achomhairc Talmhaíochta, ar bhealaí inar féidir éifeachtúlacht níos fearr a bhaint amach ar fud Rannáin an FAC, agus nósanna imeachta cothroma, comhsheasmhacht agus rialú cáilíochta á gcothabháil aige. I measc na n-ábhar atá le breithniú tá breithniú cuí a dhéanamh ar fhorais an achomhairc, a chinntiú go dtugtar aghaidh ar aighneachtaí ábhartha agus go dtugtar deis freagartha dóibh nuair is gá, cloí le forálacha na dTreoracha Eorpacha ábhartha, litreacha cinnidh a dhréachtú atá soiléir, láidir agus fónta ó thaobh an dlí de. Tá cumas na rannóige riaracháin freastal ar Rannáin FAC ina fhachtóir cinntitheach freisin i sceidealú na n-éisteachtaí. Chun ardchaighdeán a shaothrú sa phróiseas cinnteoireachta agus chun a chinntiú go bhfuil próiseas éifeachtach agus éifeachtúil i bhfeidhm, tagann an Cathaoirleach agus na Leas-Chathaoirligh le chéile go rialta chun saincheisteanna a thagann chun cinn in éisteacht achomharc agus i gcomhlíonadh cinntí achomhairc a phlé.

Formáid na nÉisteachtaí

Lorg agus fuair an FAC comhairle dlí maidir le leasuithe ar an Acht um Achomhairc Talmhaíochta 2001 a thabhairt isteach ón Acht Foraoiseachta (Forálacha Ilghnéitheacha) 2020, shoiléirigh an chomhairle seo go bhféadfadh an FAC achomhairc a fuarthas tar éis thosach feidhme na reachtaíochta sin a éisteacht gan éisteacht ó bhéal a thionól i gcúinsí nár mheas an FAC go raibh gá le héisteacht ó bhéal. Breithníonn an FAC gach achomharc, ar bhonn cás ar chás, chun a chinneadh an bhfuil gá le héisteacht ó bhéal. Ag féachaint do chleachtas seanbhunaithe, lean an FAC d'éisteachtaí ó bhéal a thionól nuair a iarradh orthu ar achomhairc a fuarthas roimh na hathruithe reachtacha, bhain sé seo le héisteacht ó bhéal amháin a tionóladh in 2022. Faoi reachtaíocht leasaithe, a tugadh isteach leis an Acht Foraoiseachta (Forálacha Ilghnéitheacha) 2020, is faoi lánrogha an FAC amháin atá sé éisteachtaí ó bhéal a reáchtáil, cibé acu a iarradh éisteacht ó bhéal nó nár iarradh. In 2022 thionóil an FAC dhá éisteacht ó bhéal ar achomhairc a cuireadh isteach tar éis na n-athruithe reachtacha. Tionóladh trí éisteacht is caoga san iomlán ag an FAC in 2022, ar éisteachtaí ó bhéal iad trí cinn acu, agus mar a soiléiríodh roimhe seo d'fhéadfadh níos mó ná achomharc amháin a bheith i gceist le héisteacht amháin.


Staidreamh

Tá feidhm ag an staidreamh seo a leanas maidir leis an tréimhse ón 1 Eanáir 2022 go dtí an 31 Nollaig 2022 agus tugtar forléargas ann ar ghníomhaíocht FAC.

Líon Foriomlán na nAchomharc

An 1 Eanáir²⁰²² bhí 40 achomharc oscailte i gcoinne 36 cinneadh ceadúnais idir lámha a tugadh anonn ón mbliain roimhe sin. Fuarthas 201 achomharc breise i gcoinne 128 cinneadh ceadúnais le linn 2022. Dhún an FAC 145 achomharc i gcoinne 105 cinneadh ceadúnais le linn 2022, lena n-áirítear achomhairc a tugadh anonn, achomhairc a fuarthas le linn 2022, agus achomhairc neamhbhailí sna cohóirt seo. Mar thoradh air sin, glanadh gach achomharc ar riaráiste agus is féidir achomhairc nua a chinneadh go tráthúil.


Achomhairc Dúnta le linn 2022 agus Achomhairc Oscailte amhail an 31 Nollaig 2022



Cinntí a Foilsíodh

Le linn 2022, foilsíodh cinntí a rinne an FAC ar láithreán gréasáin an FAC (www.agriappeals.gov.ie). Cuirtear measúnuithe a dhéanann an FAC chun bonn eolais a chur faoina chinneadh, agus aon tuarascálacha ó chomhairleoirí a chuirtear san áireamh, ar fáil ar an láithreán gréasáin freisin. Déantar an láithreán gréasáin a nuashonrú ar bhonn seachtain ar sheachtain. Bhí 66 cinneadh achomhairc ann a bhain le 57 cinneadh ceadúnais a eisíodh agus a foilsíodh le linn 2022. Soláthraíonn an tábla seo a leanas miondealú míosúil:

Mí	Ean	Fea	Már	Aib.	Beal	Meith	Iúil	Lún	MF	DF	Samh	Noll	Iom
Cinntí trí Cheadúnas a ndéantar achomharc ina n-aghaidh	3	13	4	6	0	0	3	0	5	2	12	9	57
Cinntí ag Achomhairc	3	13	4	7	0	0	3	0	6	2	16	12	66



An t-am a Thógtar chun Achomhairc a Chinneadh

Ón dáta a éistear le hachomharc go dtí go bhfaigheann na páirtithe san éisteacht cinneadh, tógann sé 41 lá ar an meán. Athraíonn an tréimhse ó chás go cás, ag brath ar ábhair amhail cineál agus castacht na bhforas achomhairc a thaisctear. Le linn 2021 agus arís in 2022, bhí na forais achomhairc a chuir achomharcóirí isteach níos cuimsithí agus níos casta i gcoitinne. Mar thoradh air seo tá an t-am a thógtar chun cinneadh a dhéanamh ar gach cás méadaithe.

Catagóir na gCinntí


I measc na gceadúnas foraoiseachta ar féidir achomharc a dhéanamh orthu tá na catagóirí seo a leanas:

- Leagan
- Foraoisiú
- Bóithre Foraoise

- Toirchiú ón aer

Tugtar breac-chuntas ar na catagóirí cásanna a cinneadh in 2022 sa tábla thíos:

Cineál Ceadúnais/Cineál Achomhairc	Foraoisiú	Leagan	Bóthar na Foraoise	Toirchiú ón aer
Líon na gCinntí Ceadúnais	29	24	4	0
Líon na gCinntí Achomhairc	37	25	4	0



- Ní dhearnadh aon achomhairc a bhain le cinntí maidir le ceadúnas Toirchiú ón Aer

Toradh na gCinntí

Go dtí an 7 Deireadh Fómhair 2020, sholáthair an reachtaíocht a rialaíonn an FAC trí rogha cinnidh agus achomharc á cinneadh. Ba iad na roghanna seo cinneadh a dheimhniú, a chealú nó a athrú. Tar éis leasuithe a thabhairt isteach tríd an Acht Foraoiseachta (Forálacha Ilghnéitheacha), 2020, bhí an FAC faoi réir na bhforálacha seo a leanas agus achomhairc á cinneadh:

(a) an bhreith a dhaingniú, nó

(b) i gcás inar deimhin leis go ndearnadh earráid thromchúiseach nó shuntasach nó sraith earráidí le linn an cinneadh is ábhar don achomharc a dhéanamh nó go ndearnadh an cinneadh gan nós imeachta cóir a chomhlíonadh:-

(i) an cinneadh a athrú;


(ii) an t-achomharc a cheadú agus an cinneadh a chur ar ceal;

(iii) an cinneadh a chur ar ceal agus é a tharchur, ar chúiseanna sonraithe, chuig an Aire; nó

(iv) i gcás gur cuí leis an gCoiste déanamh amhlaidh, faoi threoir aighneachtaí, doiciméad, nó fianaise os a chomhair nach ndearna an tAire iad a bhreithniú nó ar chúis mhaith eile, a chinneadh a chur in ionad chinneadh an Aire.

Seo a leanas miondealú ar na cineálacha cinntí in 2022:-

Cinneadh	Daingniú	Curtha i Leataobh agus Ceadaithe	Curtha i Leataobh agus Tarchurtha	Athraithe
Líon na gCinntí de réir Ceadúnais ag Achomharc	14	1	35	7



Achomhairc a Cuireadh isteach agus Táillí

Beart eile a tugadh isteach faoi na leasuithe ar an Acht um Achomhairc Talmhaíochta 2001 leis an Acht Foraoiseachta (Forálacha Ilghnéitheacha), 2020 ab ea táille a thabhairt isteach chun achomharc a thaisceadh. Tá an táille socraithe faoi láthair ag €200 in aghaidh an achomhairc aonair. In 2022 fuair an FAC 17 achomharc ar an meán in aghaidh na míosa. Ba é an meánfhigiúr do 2021 ná 13 achomharc in aghaidh na míosa. In 2022 fuair an FAC táillí suas le €26,200 ar 131 achomharc bailí, ina theannta sin fuarthas 70 achomharc neamhbhailí nuair nár glacadh le haon táille.


Achomhairc Neamhbhailí agus Tarraingthe Siar

As an 201 achomharc a fuarthas in 2022, tarraingíodh siar 1 achomharc, cuireadh 26 achomharc ó bhail toisc gur tarraingíodh siar an ceadúnas, agus chuir riarachán FAC 43 achomharc ó bhail ar na cúiseanna seo a leanas:

- Fuarthas 15 déanach, fuarthas iad tar éis an spriocdháta reachtúil
- Bhí 3 cinn nach raibh aon táille leis an bhfoirm fógra achomhairc

- Bhí 13 de na foirmeacha fógra achomhairc neamhiomlán
- Ní raibh aon fhoirm fógra achomhairc le 9 gcinn acu
- Bhí 3 nach raibh aon fhorais bhailí achomhairc curtha isteach leo

Achomhairc Faighte de réir Míosa agus de réir Contae (figiúirí neamhbhailí san áireamh)



Tugtar forbhreathnú sa tábla seo thíos ar chatagóir na n-achomhairc a cuireadh isteach le linn 2022:-

Contae	Foraoisiú	Leagan	Bóithre Foraoise
Ceatharlach	2		
An Cabhán	4	4	2
An Clár	17	0	1
Corcaigh	10		
Dún na nGall	2	3	
Baile Átha Cliath	2		
Gaillimh	6	1	1
Ciarraí	7		
Liatroim	52	7	11
Luimneach	7		
An Longfort			1
Maigh Eo	15	15	
An Mhí	1		
Uíbh Fhailí			
Ros Comáin	12		3
Sligeach	6		

Tiobraid Árann	4		
Port Láirge	2		
An Iarmhí	1		
Loch Garman	1		
Cill Mhantáin	1		
Iomlán	152	30	19

Rochtain ar Fhaisnéis faoin gComhshaol (AIE)

Le linn 2022 fuair an FAC dhá iarratas déag AIE agus dhún siad iad. Eisíodh gach cinneadh laistigh de thréimhse ama míosa. Ceithre cinn a deonaíodh, cúig cinn a deonaíodh go páirteach agus trí cinn a diúltaíodh a bhí i gcinntí AIE. As an dá chinneadh déag, d'iarr na hiarrthóirí athbhreithniú inmheánach i dtír chás. Mar thoradh ar na hathbhreithnithe inmheánacha, seasadh le cinneadh amháin agus athraíodh dhá cheann. Rinneadh achomharc ar dhá chinneadh maidir le hathbhreithniú inmheánach chuig Oifig an Choimisinéara um Fhaisnéis Comhshaoil, agus tá na cinntí don dá cheann fós gan réiteach.

Dlíthíocht

Féadfar agóid a dhéanamh i gcoinne gach cinneadh de chuid an FAC leis an Ard-Chúirt trí iarratas a dhéanamh ar Athbhreithniú Breithiúnach.

In 2022, níor tionscnaíodh aon imeachtaí athbhreithnithe bhreithiúnaigh i gcoinne an FAC. Cuireadh dhá chás athbhreithnithe bhreithiúnaigh a tógadh in 2021 in iúl don FAC go luath in 2022 áfach.

Dúnadh athbhreithniú breithiúnach amháin ó 2020 i rith 2022 le cinneadh socraithe cinneadh FAC a chur ar neamhní agus an t-achomharc chuig FAC a tharchur le haghaidh cinneadh nua. Cuireadh deireadh le cás eile ó 2020 le linn 2022 ar thoiliú an iarratasóra ar athbhreithniú breithiúnach.

Ag deireadh 2022, tá athbhreithniú breithiúnach oscailte amháin fós ann a tionscnaíodh in 2020 agus tionscnaíodh trí cinn le linn 2021. Ní thugtar a thuilleadh tráchta ar chásanna athbhreithnithe breithiúnaigh oscailte.

Cruinnithe Páirtithe Leasmhara

Is é cuspóir chruinnithe na bpáirtithe leasmhara fóram a chur ar fáil do chomhlachtaí chun ábhair imní a chur in iúl agus ábhair ghinearálta a phlé maidir le hoibríú an FAC agus is faoi rogha an Chathaoirligh amháin a dhéantar iad. Níor iarradh ná níor tionóladh aon chruinnithe le páirtithe leasmhara le linn 2022.

Nósanna Imeachta Riaracháin FAC

Le linn 2022 rinneadh éisteachtaí FAC go cianda. Cumasaíonn foireann riaracháin FAC comhaid a rochtain go leictreonach ag baill FAC, éascaítear é seo trí chóras comhroinnte scamall ar líne a úsáid chun comhaid, sceidil agus faisnéis a roinnt go slán le baill gach Rannáin nó le baill uile FAC de réir mar is cuí do na himthosca.

Déanann foireann riaracháin FAC do gach Rannáin gach éisteacht don FAC a sceidealú agus a óstáil trí WebEx. Cuireann foireann riaracháin FAC an córas comhroinnte scamall i bhfeidhm freisin leis na hábhair uile a bhaineann le hachomharc ón gcomhad achomhairc sula reáchtáiltear éisteachtaí. Tá na nósanna imeachta riaracháin seo an-éifeachtach agus an-éifeachtúil agus chuir siad ar chumas an FAC a fheidhmeanna a chomhlíonadh ar bhealach éifeachtach agus éifeachtúil.

Láithreán Gréasáin

Is é seoladh láithreán gréasáin an FAC www.agriappeals.gov.ie/forestryappealscommittee/ agus soláthraíonn sé rochtain ar líne ar gach cinneadh de chuid an FAC agus míniú ar théarmaíocht an chinnidh. Tá rochtain ar an bhfoirm Fógra Achomhairc chomh maith le faisnéis maidir le hiarratais faoi fhorálacha AIE, mar aon le nasc chuig reachtaíocht agus foilseacháin. Foilsítear cinntí an FAC agus comhdaítear iad go seachtainiúil ar an láithreán, déantar scarbhileog Excel a nuashonrú go seachtainiúil ar an láithreán gréasáin le comhlánú iomlán ar na cinntí, ar féidir iad a chuardach go héasca.

Tráchttaireacht

Roimh 2022, glanadh riaráiste na n-achomharc oidhreacht, a bhuíochas sin do mo réamhtheachtaí, do na Leas-Chathaoirligh, do na Gnáthchomhaltaí, agus do rannóg riaracháin an FAC. Le linn 2022, le comhoibriú iarratasóirí, achomharcóirí, an DAFM agus comhlachtaí atreoraithe, ceadáíodh achomhairc a phróiseáil go héifeachtúil agus cinntí a eisiúint go tráthúil. De réir mar a fhorbraíonn dul chun cinn maidir le húsáid comhad leictreonach agus infhaighteacht agus forbairt an Amharcóra Ceadúnais Foraoise tuilleadh, meastar gur féidir tuilleadh éifeachtúlachtaí a bhaint amach, ionas gur féidir an meán-am a thógtar chun achomhairc a phróiseáil agus cinntí a eisiúint a laghdú tuilleadh. Tá an fhoireann riaracháin i mbun saoráid achomhairc ar líne a fhorbairt faoi láthair chun achomhairc a chur faoi bhráid an FAC agus is nuálaíocht spreagúil í seo a dhéanfaidh tuilleadh cuíchóirithe maidir le hachomharc a dhéanamh agus cabhrú le hachomharcóirí.